

Os nenos do Sáhara mais cerca do Val Miñor grazas á solidariedade dos veciños.

Escrito por Alvaro Peralta
Luns, 11 Abril 2011 23:59



Entre rifas, música, tapas, bailes, humor e moita ledicia máis dun centenar de persoas gozaron dunha tarde - noite de lecer e solidariedade no Centro Cultural de Vincios. Alí transcorreu o sábado pasado a cea benéfica para recadar fondos có fin de facer posible como tódolos anos a chegada dos nenos dos campos de refuxiados da República Saharauí ao Val Miñor. Veciños, empresas e artistas xuntaron esforzos para que unha vez máis a campaña "Vacacións en Paz" organizada pola Asociación Solidariedade Galega co Pobo Saharauí, poida concretarse na bisbarra. Co acadado no evento e máis o tesón das familias acolledoras destes nenos e nenas o obxectivo está máis cerca.

O verán no deserto quenta por enriba dos 50 graos. A posibilidade de que os rapaces do Sáhara poidan estar no Val Miñor ten ademais dun fin cultural relevante para eles e a sociedade miñorana, unha cara humanitaria que complementase coa posibilidade dunha revisión médica xa concertada co SERGAS. Artistas da zona como as pandeireteiras "As Teloneiras de Marita", a monologuista Neves (tamén coñecida como Marita), o Cuarteto O Caramuxo, e o Grupo Tradicional Irmandiños brindaron os seus espectáculos de forma desinteresada a prol da causa. Mención especial tivo a presenza dos rapaces do Instituto Auga da Laxe a través de seu creativo grupo musical así como os da moi premiada Escola de Danza Gondomar con quen comezou o espectáculo. A actividade contou co apoio loxístico e humano da Asociación de Veciños Galiñeiro de Vincios.



Os nenos do Sáhara mais cerca do Val Miñor grazas á solidariedade dos veciños.

Escrito por Alvaro Peralta
Luns, 11 Abril 2011 23:59

